

太上元始天尊證果真經

爾時

元始天尊在五清宮內與諸仙上聖演說真經若能傳受身有光明左有天丁右有七星三界侍從受吾真經能持誦者萬鬼鎖縛誦

吾真經自然長生五帝侍衛萬劫皆明隨劫輪轉道遠上清光奇仙子受者長生玄真妙錄禁斷惡神千劫首萬萬形天符初令斷絕鬼神頭破七分除滅根源修行有志對御留恩真經微妙難遇難聞

○太上高尊五靈大神三界收斂十惡絕根

洞明師子護持龍門三界玉真真中有神

天人護衛絕魔邪群傳受萬民世世長存

道言證果真經者讀誦萬徧生者長生家門有慶死者幽魂出苦身離惡趣世間善信男女宜各敬而行焉

太上元始天尊證果真經

太上元始天尊說續命妙經

爾時

元始天尊告

太上道君曰三界眾生漂流苦海元有解脫汝豈忍受宜須精勤奉行我法普該救度

太上道君既奉告命不敢藏情若有眾生危厄疾病當誦此經稱大慈大悲大惠真人大慈大悲救苦真人即得離苦長得解脫永離嬰纏長生益壽老令更延一切厄難皆得消滅

太上道君宣說頌曰

大慈二真人能救三界苦放光照世間

地獄悉停住刀山高魏魏鐘湯飛炎炎

至心念真人罪魂解宿冤疾病多苦厄非災難可言痛哉傷五神真人慈悲辛

清信善男女歸命須至心常念二真人

離苦免憂沈疾病消眾厄邪魔不敢侵

晝夜心不離解脫全爾身勇猛發回向

同歸七寶林太上元始天尊說續命妙經

二經同卷

洞真太極北帝紫微神呪妙經

太上說六甲直符保胎護命妙經

五九

洞真太極北帝紫微神呪妙經

神兵護國安家驅鬼消災奉勅呪品

元始天尊說下元眾生多有惡逆聚生大國不從正道自稱強能不知人命不久自今已去大魔行運五濁之世人多造橫圖謀衆生

致害天下萬民艱辛勤苦衆生受罪國人非法刑禍相罰賊從下生惡亂世界鬼兵入國

行其大災之疫刀刃殺人轉惡心造逆刑法相謀鬼計多生道途艱辛五種大賊夜行

殺人劫掠逃竄逆黨鬼賊汝等五種大鬼作亂世界萬民不安小人負重州縣勤苦國土

不正貴人無道千鬼萬邪皆悉能害人令人家虛驚事不果死亡賊害長病在室官鬼在

家惟鬼競起人宅耗虛百事不吉若有一人歸向道要奉吾勅令萬災可解百疫自散官